

Demokratija i Ljudska Prava u Bosni i Hercegovini - Projekat izgradnje mira 2023

Rok za prijave: 5 septembar 2023 (23:59)

Lokacija: Prijedor, Bosna i Hercegovina

Vrijeme održavanja: 15-25 septembra 2023

Ko se može prijaviti: Osobe od 18 do 30 godina starosti

Troškovi učešća: Besplatno (sve troškove snosi organizator)

O PROGRAMU

Ovaj program nudi jedinstven pogled na Bosnu i Hercegovinu (BiH), njenu politiku, kulturu i mlade ljude i njihovu ulogu u izgradnji mira. Program će se održati u Prijedoru, sjeverozapadnoj BiH, regiji gdje su se početkom devedesetih godina prošlog stoljeća desili neki od najvećih zlocina, što je u konačnici dovelo do osnivanja prvog međunarodnog suda za ratne zločine nakon suđenja u Nirnbegu. Uprkos ovim događajima, kao i činjenici da Prijedor i okolina imaju jedan od najvećih brojeva osuđenih ratnih zločinaca na svijetu, upravo je ovaj region izrodio niz pozitivnih kampanja koje su povezale mlade ljude širom BiH i svijeta.

Program će istraživati problematiku koja dominira bosanskim političkim i kulturnim krajolikom u zadnjih 30 godina te će istražiti naslijeđe Dejtonskog mirovnog sporazuma, koji je političkim liderima i drugim akterima (mediji, vjerski lideri) poslužio kao sredstvo utvđivanja postojećih etnonacionalnih i religijskih podjela u bh. politici i društvu. Ovakvo stanje prijeti destabilizacijom mira i bezbjednosti kako u ovom regionu tako i cijeloj BiH. Ovaj program prepoznaje kapacitet mladih ljudi, da u ovom historijski važnom trenutku unaprijede proces izgradnje mira i pomirenja, koji se zasniva na poštivanju ljudskih prava i naslijeđu svih ljudi.

OPIS PROGRAMA

Program će se odvijati u dva dijela: prvi dio (15-20. septembar) se sastoji od niza uvodnih predavanja putem Zoom-a. Drugi, praktični dio će se odvijati na terenu u Prijedoru i okolici od 22-25. septembra te nudi novo iskustvo koje podstiče interakciju i učešće u okviru ljudskih prava i izgradnje mira a koje je namijenjeno za sve one koji žele da stiču znanja:

- o BiH
- o ulozi i važnosti koju ljudska prava igraju u procesu pomirenja i izgradnje mira
- o istoriji i nacionalizmu koji se koriste za stvaranje narativa koji zloupotrebljavaju različitosti te promovišu podjele i sukobe

- slušanjem ličnih priča o ratnim iskustvima
- kako mirnim putem promicati važnost politike sjećanja
- kako doprinijeti zajedničkom učenju sa ostalim učesnicima programa
- kako slušati druge ljude sa empatijom
- od iskusnih predavača i ostalih učesnika
- kako da steknu nove vještine poput liderstva i kritičkog razmišljanja
- kako promovisati dijalog među mladim ljudima sa potencijalom da postanu učinkoviti lideri u polju ljudskih prava, demokratije i izgradnje mira
- kako ocjenjivati projekte

NAPOMENA: **Ne morate** biti stručnjak ili student bilo koje gore navedene discipline da biste se prijavili za učešće u programu.

Radionice će voditi iskusni fasilitatori koji dolaze iz širokog spektra polja i disciplina. Neki od njih rade kao predavači na fakultetima, neki su doktoranti, neki su aktivisti u nevladinom sektoru i/ili praktičari iz organizacija koje se bave ljudskim pravima i/li tranzicijskom pravdom, a ostali su budući pokretači promjena u društvu.

LOGISTIKA PROGRAMA

- Most Mira snosi putne troškove za učesnike koji dolaze iz Bosne i Hercegovine (BiH). Nažalost, nismo u mogućnosti pokriti putne troškove za inostrane učesnike.
- Učesnici koji putuju iz drugih država sami snose putne troškove do BiH i Prijedora.
- Most Mira će pokriti troškove ishrane i smještaja za sve učesnike u toku trajanja programa.
- Most Mira će organizovati svakodnevni prijevoz u sklopu programa, što uključuje i prijevoz do svih mjesta koja ćete posjetiti u sklopu programa.

LINK ZA PRIJAVNI OBRAZAC

<http://bit.ly/POP2023Application>

Ako imate bilo kakvih dodatnih pitanja slobodno nas kontaktirajte putem slijedeće email adrese: mostmiraproject@gmail.com